

Chuaiilo

Forthnightly Newsletter



Vol. No. XI Issue No. 3

KOLKATA MIZO STUDENTS'

11th May, 2014 (Sunday)

KMS EXECUTIVE COMMITTEE

VAWI 2-NA NEIH A NI

Dt.27.04.14 khan 2014.2015 chhunga KMS Executive Committee vawi hnihna chu Mizoram House Ballygunge-ah neih a ni a, thil pawimawh hrang hrang rel a ni.

KMS T-Shirt zawrh chhuah dan tur rel a ni a, veng hrang hrang amite'n awlsam zawka an lei theih na'n incharge ruat an ni.

Committee chuan Chuailo Newsletter kum 10 tlin lawmna atan Special Issue chhuah nise, chubakah Dt.18.05.14 (Sunday) inkhawm banah thingpui hmeh tumsak ni baw se tiin a rel.

Sports Sub-Committee a\anga lehkha lo lut ngaihtuah ho a ni a, Sub Committee-in Summer Sports atana incharge a ruatte chu Committee-in a pawmpui a, KMS Sports November thlaa neih tura rawtna a pawmpui baw.

KMS T-SHIRT

KMS T-Shirt chu peih fel a ni tawh a, Rs 350/- a zawrh a ni . Heng mite hnen atang hian lei theih a ni: Lalramuanpuia, B. Lalhmangaihzuala, Samuel Songate, Lalruatfela Ralte leh Lalrinawmi Sailo.

Sum tuakna chikhat atan lucky ticket siam a ni leh dawn baw a, hei hi Freshers' Social-ah vavr tura ruahman a ni, lei \heuh kan tum dawn nia.

CHUAILO KUM SAWM

Chuailo newsletter chuan Dt.16.05.14 hian kum 10 a lo tling dawn ta reng mai a, a lawmna atan Special Issue buatsaih tum a ni a, hemi atan hian article leh thuziak hrang hrang rawn thawh turin kan sawm a che u. Special Issue hi 18.05.14-ah tihchhuah a ni ang.

Committee hmasa lama lo rel tawh 'music video siam' chungchangah incharge-te report ngaihthlak a ni a, a theih anga hma lo la chhunzawm zel turin Committee chuan a ngen a ni.

Information pekchhuah dan tur chungchangah incharge-te hmalakna ngaihthlak a ni a. Chhiatni \hatniah kan in hrilh hriat zung zung theihnan SMS hmanga information hi pekchhuah a ni ang.

Admission chungchang ngaihtuah leh a ni a, college tina incharge turte ruat a ni a. Admission chungchang leh incharge-te hming chu KMS website www.kolkatamizostudents.weebly.com ah en theih a ni e.

Summer Sports' 2014

Dt.10.06.14 -13.06.14 inkar hian Mizoram pawna zirlai, nipui chawlh hmang mekte tana buatsaih \hin 'Summer Sports' chu neih leh tur a ni a, he hunah hian KMS pawh kan tel ve leh dawn a, hemi hun laia kan member chawlh hmanga Mizorama cham mek leh kan member hlui, Kolkata-a lo awm tawh \hin zawng zawngte chu KMS tana \hahnemngai taka thawkchhuak \hin turin kan inngen a ni.

Incharge atan Lalruanpuia Chhangte, F.Lalrinchhana, K. Zohmingliani leh Lalmuansanga te ruat an ni

Summer Sports hi kumtin zirlai chawlh hmang mekte tana buatsaih \hin a ni a, State hrang hranga zirlaite'n kan in huaihawt chhawk \hin a; Kuminah hian Delhi Mizo Zirlai Pawl(DMZP) in summer Sports hi an huaihawt ang.

Tualchhung...

Hun hian tuilian angin min liam pui zung zung a, nimin emaw kan tih te pawh hmanlai a lo chang zo leh mai \hin. Thiamna leh theihna, finna zawng zawng hmanga KMS lo kaihruai tute pawhin min liam san a. Mithar \ha tak tak nei mah ila, KMS tana sul lo su hmasa tute avang khan hetiang hun hi KMS hian a thleng thei a ni. Kan hmaa mi hrang kal ta te kha an va fakawm em!!!

Kan hruaitu hlui Zonunsanga Rokhum pawhin Mizoram lamah min lo haw san ta a. Chuailo Newsletter chuan a kal lehzelnat turah duhsakna sang ber kan hlan e.

KMS President, Alex Rosangluaia pawh thil pawimawh tih tur a neih avangin Mizoram lamah a haw chho a. A thiltih tur te \ha taka a tih theih a; tluang taka Kolkata a rawn thlen leh theihna turin duhsakna kan hlan e.

A tawp berah chuan, he kan awmna khawpui hi Keimahni hnam khawpui a ni lo tih hi hriat reng a \ha. Hnamdang khawpuia kan awm avang hian kan nun dan leh chet dan hi kan fimkhur a ngai khawp mai. Mizo hnam tihmingchhetu nge i nih a tihming\ha tu? Nangmah avang khan he kan hnam, Mizo hnam ropui tak hi a par vul dawn nge, a chuai zawk dawn tih hi ngaihtuah fo ang che?

I nunah khan miin enge an hmuh le???

CHUAILO

Estd. May, 2004

Editor : Lalanzova Darngawn

Joint Editors : Lalruatkima

: Vanlalpeki Ralte

: Vanlalthuma

Patron : Alex Rosangluaia

Contact : 8420509618/9831106143



Enkawltu Kamliam Sum, Talent leh Hrawkbawk.

Mihring chhia leh \ha thliar thiam tawh phawt chuan sum pawimawh zia leh a tel lo a khawvel nun hman harsat zia kan hre \heuh awm e.

Kan mamawh ber a nih avangin kan hmuh theih nan rim tak leh thlan sa phul kaiin hna kan thawk \hin a mahse kan neih tam poh leh kan duh belh zel a, duh tawk tih reng kan nei thei meuh lo. Thianghlim taka kan thawh chhuah a nih chuan a hlu a mahse kut tling lo leh thianghlim lo taka ka la lut a nih erawh chuan tunah lang rih lo mahsela nakinah chuan kan la hming chhe thuai ang.

Sum kan thawh chhuan theih nan thiamna zirin Kolkata khaw lumah, hreawm ti reng rengin kan awm a. Zirlai te'n kan hriat reng tur chu kan zir zawh hun a hna kan hmuh hunah thianghlim takin kan la lut tur a ni a. Kan Pathian lekhabu thianghlim pawhin " Tangka sum ngainat hi sual tinreng bul a ni " a tih kha kan hre reng dawn nia.

He khawvel a piang chhuak tawh phawt chuan talent kan neih \heuh a, kan talent neih erawh a in ang lo ang. Zaithiam bikte, lekha thiam bikte leh a dang tam tak a awm thei awm e. Midangte angin i zai thiam ve lo a ni mai thei mahse midang zawng aiin i tuar a fei thei, lekha i thiam em em lo a ni thei mahse midang zawng aiin hmang chang i hre zawk thei. Talent hi te lua a awm lo tih hria ila. Eng talent nge ka dawn ve tih mahni \heuh in ngaihtuah ila, kan talent dawn a chu tih pun dan ngaihtuah ila he khawvela kan pian chhuah chhan zinga pakhat chu tih hlawhtlinin a awm ti ila kan sawi sual awm lo e. I talent dawn kha i \hiante dawn aiin a hniamin a chhe bik lo tih hria la, hlut hle ang che. Midang talent neih awt a thik mai loin, i chan, i talent dawn kha a hlu tih hria la midang tana awh theih tur khawpin tih pun tum ang che.

Hrawkbawk hi, i ngaihtuah ngai em? I hman thiam chuan midangte hnena chanchin \ha puandarhna remchang, i hman thiam loh erawh chuan inawhhlumna remchang. Hrawkbawk hmang thiam chuan mi thinlung an ti lawm thiam a. A hmang thiam lo erawh chuan mi dang an ti thinrim chawh \hin. I hrawk bawk kha veng \ha la, midang pawt sawi zawngin hman loh hram tum ang che.

Zirna Huang...

Khawvel Upat zawng

- Joseph

Kan kawppui hlim leh lawm taka a piancham kan lawm sak theihna tura kan thlahtute atanga tun thlenga kei leh ka kawppui, vui hmui pui miah lo a min tuam hlawmtu kum i han chhiar sak ve dawn teh ang.

Kan awmna lei (Blue Planet) kan Solar System zinga bit ber leh a len lama pangana kum zat hi a dik chiah hriat chhuah theih ni lo mah se, kal phung hrang hrang atanga tehin, a kum zat awm hi riruak theih a ni a. Mithiam zawkte ngaihdan atang chuan kum 2-5 billion (20-50 tluklehdingawn) anga ngaih leh chawh rual a ni.

TIDAL METHOD

Kan lei upat zawng hi kan awmna lei (Earth) leh thla (Moon) in hlat zawng (Distance) atanga teh a ni a. Tuipui leh tuifinriat tui chim chin a lo san hian kan khawvel vir phung (Rotation, Revolution ni lo in) hi a muang tial tial a, chumi avang chuan thla hi kan lei hipna atang hian kum khatah 13 cm. ang zela inhnukdawk a ni a. Tuna kan lei leh thla inkar hi 3,85,000 Km. a ni a, a in hnaih lai berin (apogee) 3,06,00 Km. a ni a, a in hlat lai berin (pergee) 3,64,000 Km. a ni bawk. Tichuan, thlain tuna lei nena an inkar hlat zawng inhnudawh nana a hun hman ral zat chu khawvel upat zawng atan lak a ni ta a ni. Hemi kalphung hmang hi chuan khawvel hi kum 4 billion (40 tluklehdingawn) a upa a ni ang.

SEDEMENTATION METHOD

Lei nawi, tuipui (enclosed seas) leh tuifinriat (Ocean) a tlakhawm, chung tlakhawmte chhah zawng atanga lei upat zawng hi teh a ni.

Kan leilung inthlak danglam dan hi hmun hnihah a then theih a :-

- a) Hun rei lote chung a inthlak danglam. Entirna - Lirnging.
- b) Hun rei tak chung a inthlak danglam. Entirna - Tlangkang leh leilung pianphung a dinte (Volcanoes and resultant landforms)

Chung leilung inthlak danglamina a siam lei chung lang (Crust), a bik takin tlangkangina a siam leichung lang (chih sa alo daih hnuin) chu lei pawt lam tha chakna heng - tui, vur leh thilte hian an eichhiat hnuin, leinawi leh tiau vut angin tui hnuai lamah an lenkhawm ta thin a ni. Tiau vut chhah lam chu a tlinkhawm chak dan leh a hun hman zat chhut a nih hnuin khawvel upat zawt chu kum 400 million (400 maktaduai) a ngaih alo ni ta a ni.

(Article hnuaih chhonzawm a ni)

Article :

ZIRLAI

- Temami

Kum 3 dawn chu alo ni ta reng mai. Hun a kal chak ang bawkin nunphung, nungchang leh mize \henkhatte pawh a inthlak ve zung zung bawk a. Kei chang ka nih bik ka ringlo, kei ai maha tawn hriat ngahte pawh an awm \euh ta ve ang! Amaherawhchu, ka hun tawng chhoh zinga ka chhinchhiah reng tur leh ka theihngihl tawh ngail loh tur tam tak an awm.

Khang kum kal ta chung khan hlimna te, harsatna te kan tawka mahse khang ka nuna thil tam tak lo thlengte kha vawiina ka dinmun a min din\irtu, a \ha zawng chauh ni loin a \ha lo zawngte pawh a ni mahna. Ka sawi tum tak zawk erawh chu kan hringnuna thil lo thleng, a \ha zawngte a chhe zawngte pawh a ni ang, zirlai (lesson) atana hman thiam zel hi alo va pawimawh em tih hi a ni. Mi \henkhat chu hlimna, lawmna an tawng a hmabak nei tawhlo ang maiin an khawsa a a tawpnaah an ngai \hin. Chutiang zelin, lungngaihna leh harsatna alo thlenin nunin awmzia a awm tawh lo ang maia ngaiin kan beidawng ngawih ngawih \hin. Amaherawhchu, hringnunah hian "Ruah chauh a sur lova, Ni pawhin sat hun a nei ve" tih hi hriat a pawimawh in ka hria.

He Kolkata hmuna ka awm a\ang hian thil tam tak ka zir a, ka zirlaibu piah lamah kan vela thil awmte hian zirlai tam tak min lo zirtir a. Hmasawna tam tak ka neih phah bawka. Hengte hi nakin zela ka tana pawimawh leh \angkai em em turte chu an ni.

Nakinah chuan heng kan hun hman dan \hinte hi kan lung tilengtute an la ni dawn a, Kolkata-ah hian kan \hatlai, khawvel nuam kan tih ber hunlai leh kan vanglai tak kan hmangral dawn chu a ni a, tun atanga kum 10 alo ral meuh chuan kan nih tur ang angte kan ni hlawm tawh anga, a \hente chuan nupui fanaute pawh an kaw ve diah tawh mai thei. Chung hun alo thlen chuan kan vanglai, kan \hatlai kan hman dan hian kan nun a tihlim fo in a tilungngai fo thei a, chuang chuan kan hun hman dan leh nun dan hi kan fimkhur tlan a va pawimawh em!

Thil pakhat ka rilrua awm fo \hin chu phaiah kan chhungte hmuh phak lohah kan awm a heng hunah hian Mizo thiltihnaah leh inkhawmnaa tel zel te hi nun kaihruaitu pawimawh ber leh min vawngtu alo ni a, kal sua na tam tak laka min vengtu alo ni \hin. Kan duh phawt chuan thilsual tinreng tu khaw kha hriat lem lohin kan ti mai mai thei amaherawhchu, heng Mizo thiltihnaa kan tel tam hian thil tam tak kan tihsualna tur lakah kan him a ni.

Harsatnate kan tawh pawha kan belh berte chu pawl hrang hrang KMS, CMCS leh CMWA te hi an ni a, chuangin heng pawl hrang hrang hian kan theih anga tam kan inhman ve a theihtawpa pawl tana thawh hi kan tihur pakhat chu a ni ve a ni.

A tawp berah chuan engpawh tawka ila engpawh kan chungah lo thleng sela kan thiltawn a zir zela insiamrem thiam nih hi puitling nihna kawng a ni. Harsatna leh manganna lo thlengte huaisen taka lo hmachhawn a, hneh tawhtu chu mirawn tlak leh mi tuarchhel, mi puitling an lo ni \hin. A thil tawn ang angte hmasawn nana hmanga zirlai (lesson) hmangthiam nih hi hmasawna a ni. Hlimna lawmna kan tawhte pawh min tichak lehzuatu atan hman zel i tum ang u.

(Zirna huang chhonzawmna....)

SALINITY METHOD

Tuipui al dan (alkalinity) leh lui te'n al an fawmkhawm tam leh tam loh (Density) atanga teh a ni a.

Tuipui leh tuifinriat tui a al tih chu kan hre theuh awm e. He al, tuiina a pai hi al tlanglawn 'NaCl' kan tih hi a ni a. A tam zawk chu tuiin lei hanna (acidity leh alkalinity) a ei dak hnua luiin tuipui lama a lenkhawmte an ni. Tuia awm al 12 billion (120 tluklehdngawn) metric tones chhekkhawm turin lui te'n kum tin lei alna 1-56 billion (10-560 tluklehdngawn) metric tones zel tuipui lama len thla ang a ni a. Chung tlingkhawm chuan tui hmun za a thena hmun thum leh hmun nga inkar hi al hlawm angin a chhian tir theih a. Chung alna luite'n an chhekkhawm hun chhung chu khawvel upat dan teh nan hman alo ni ta a ni. Hemi kalphung anga chhut chuan khawvel hi kum 2 billion (20 tluklehdngawn) anga chhut a ni.

Sports.....

MPL

Mizoram Premier League season hnihna chu khelh zawh a ni ta a. Chanmari FC chuan Final-ah Luangmual FC chu 4-2 a hnehin MPL season hnihnaa Champion an ni ta a ni. Tun season-a MPL game khelh dan hi thlakin, club hrang hrangin vavihnih vheuh an inkhelh kual hnuah League table a a sang pahnih chuan Final Round 1st leg leh 2nd leg an khel leh a ni. First leg ah Luangmual FC chuan 2-1 a Chanmari FC hnehin, Champion inring tak chuangin 2nd Leg an khel leh a. First leg a chesual Chanmari FC chu chetsual nawn tum tawh lo a inkhel an ni bawh a, 3-0 a Luangmual FC hnehin, Chanmari FC chu 4-2 (agg.) in Luangmual FC an hneh a. MPL2 a Champion an ni ta a ni.

Chanmari FC hian Mizoram Football record siamin, Independence Day Trophy, MFA Cup, MFA Super Cup leh Champions Cup a ruala kawh thei hmasa ber an ni ta a ni.

Qatar World Cup-ah chhiatna

Kum 2022 World Cup thleng tur Qatar pawh an inbuatsaih mup mup zel a mahse nunna chan an tam tawh avangin enghelhtu an tam sawt hle. Qatar World Cup 2022 a mi tur Stadium sakna a hnathawk zingah kumin chungin Indian Workers thi zat mi 89 an tling tawh a. January 2012 atanga chhutin 567 vel bawh Indian Worker thi tawh anga chhut a ni.

Federer te nupa'in fa phir tho nei leh.

Roger Federer chuan a nupui Mirka in phir mipa Leo leh Lenny a neih thu a puang. Federer te nupa hian a hmasa khan phir hmeichhia an lo nei tawh.

TSG 1899 Hoffenheim vs Mizoram XI

Dt.13.05.14 hian Khawvela Football League lian Bundesliga-a club vha 1899 Hoffenheim chu Mizoram XI chuan AR Lammualah an lo hmachhawn dawn.

Hoffenheim hian Senior Squad an rawn tir dawn a, Player pathum emaw pali emaw chauh World Cup khel tura an inbuatsaih a ngaih dawn avangin an rawn kal thei dawn lo a ni.

German Football Journalist leh AIFF mi pawimawh Arunava Chaudhuri chu April ni 30, 2014 khan Mizoram rawn chuangkaiin, May ni 13 match chungchangah Press conference Hotel Regency-ah a rawn nei a, Kolkata, Goa leh Delhi-ah Tour nei dawn mahse Mizoram chu tlawh hmasak ber atan an thlang a ni. Inkhel hi TV lamah Live-a pek chhuah a ni dawn a, National TV leh Local TV ten an pechhuak ang a, Tin, Bundesliga Broadcasting lam pawhin an rawn umzui dawn bawh a ni.

Mizoram XI ah hian I-League team a'angin Didika, Jeje, Mama leh Robert-a te tel thei tura beisei an ni.

Ulhbun

Silai kah lamah na na na hi chuan ka rintlak ve em. Maimawm kah tur nei tan koh theih reng ka ni bawh.

- **Rinawmi@39 Bus Stand**

Lenna khua hmun loh zavng lunglen a na e, nang ngaih a zual..

- **Mr. President**

Exam ka zo tawh bawh a, ka mizia dik tak kan chhuah ang e. Freshers' day-te pawh kan hmang dawn alawm. Single reng pawh hi a ni lo.

- **Lawma @ Kestopur**

Ka lamthiam chu ka in ti hran miah lo mahse ka bon ve em!!

- **B Tea @ Lalkuti**

All-round-i min ti bik ziah suh u.

- **Temami**

Kungfu ka thiam lo emaw in ti a mi....?

- **Chris-tiiiiina@A laia lam**

Marthii te pawh ka in chan rum rum mai, ka vhanpa ber Group Leader a nih takah chuan.

- **Hmingtea@PicnicGarden**

Chhunge te lo kal lai chuan broke awmzia hi ka hre lo.

- **RSi @ Park Circus**

Tunah ka hla duhzawng sawi fiah turin Lalramnghaka ilo sawm ang.

- **Zutea Mi dangdai**

Superman, come fly to me.

- **Superwoman**

Coconut tui engtik lai pawh home delivery ka ti thei reng e.

- **Gerald c/o Fikto**

Ka ban thui ve thei em!!!

- **David Goal keeper**

Kolkata-ah ka awm leh tawh tih ka in report e.

- **Didiki @ Bondel**

Ka online reng bik lo a nia, thawh tur awm ang ang chu ka thawh ve tho.

- **Rinmawii @ House**

Chuailo chhu hoin ka chawthing ei tur an ei zo vek :D

- **Pipi-i**